



بِسْمِ اللَّهِ الرَّحْمَنِ الرَّحِيمِ
ISLAMSKA ZAJEDNICA U BOSNI I HERCEGOVINI
RIJASET ISLAMSKE ZAJEDNICE
VIJEĆE ZA FETVE/ FETVE-I MEDŽLIS
مجلس الفتاوى في البوسنة و الهرسك

Broj: 28/07

Datum: 25. zu-l-ka'de 1428. h.g./ 5. decembar 2007.

Vijeće za fetve Islamske zajednice u Bosni i Hercegovini na svojoj 8. redovnoj sjednici održanoj u Sarajevu 3. decembra 2007. godine, odnosno 23. zu-l-ka'de 1428. h. godine, na osnovu izloženog referata tuzlanskog muftije Huseina-ef. Kavazovića na temu «Propisi o spajanju namaza» i provedene diskusije, donijelo je slijedeću

FETVU

Dozvoljeno je putniku (musafiru) koristiti olakšicu spajanje podne i ikindije-namaza te akšama i jacije, na osnovu hadisa i prakse Božijeg Poslanika a.s., radi olakšanja izvršenja ovih ibadeta.

Dozvoljeno je radnicima u firmama i tvornicama spajanje podne i ikindije-namaza u naročito opravdanim okolnostima (kao što su kratkoća dana, nemogućnost napuštanja radnog mjesta radi obavljanja namaza u njegovom vremenu i sl.).

Dozvoljeno je spajanje akšama i jacije u sjevernoevropskim zemljama i njihovo obavljanje u vremenu akšam-namaza kada jacijsko vrijeme nastupa gotovo oko pola noći ili u potpunosti izostaju znaci nastupanja jacijskog vremena.

Ovim se nastoji otkloniti poteškoća (*ref'u-l-haredž*) koja je od ummeta otklonjena izričitim tekstom Kur'ana. Također, potvrđeno je u hadisu Ibn Abbasa, a koji se navodi u Muslimovom *Sahihu*, da je Vjerovjesnik (s.a.v.s.) spojio podne i ikindiju, te akšam i jaciju «ne zbog straha ili kiše» (nevremena). Ibn Abbas je upitan: «Šta je htio time?» «Želio je olakšati svome ummetu», odgovorio je on.

Dostavljeno:

- Sekretarijat Rijasetu IZ-e
- Ured za dijasporu
- Vjersko-prosvjetna služba Rijasetu IZ-e
- a/a

Fetva-i emin
Dr. Enes Ljevaković